

小倉山房詩集

新式
標點
足本
隨園全集

杜就田署



序

爾雅疏云：「序者，序述此經之旨也。」隨園先生論詩之旨，一見於集中答歸愚宗伯書，再見於續詩品三十二首。凡古人所未道者，業已自道之，無俟再爲序述。第按其所編，始弱冠，終花甲，四十年之行藏交際，具在於斯，可當康成年表讀矣。晚年境愈高，才愈斂，欲刪去少年落花殘雪諸作，起鳳爭曰：「孤松蒼於冬，時花繁於春，各有其時，不可廢也。」先生曰：「諾已。」乃並存之。橫山弟子薛起鳳序。

讀隨園詩題辭

其人與筆兩風流，紅粉青山伴白頭。作宦不曾逾十載，及身早已定千秋。羣兒漫撼蚍蜉樹，此老能翻鸚鵡洲。相對不禁慚飯顆，杜陵詩句只牢愁。

舒卷閒雲在絳霄，平生出處亦超超。曾遊閬苑輕三島，愛住金陵爲六朝。富貴豈如閒有味，聰明也要福能消。不須伯道愁無子，此集人間已不祧。

只擬才華豔誰知鍛鍊深，殺人無寸鐵，惜墨抵兼金。古鬼忽然泣，生龍不可擒。挑燈重相對，想見妙明心。

館後學趙翼題

讀隨園詩題辭

憶自數歲入鄉校，卽聞世有才子姓袁字子才。漢廷峙揚馬，梁園豔鄒枚。斯人一出文選廢，蕭統若在須臾別裁，比長游都下，結交海內英，益得才翁之才與其行。二十作文賦，徵在鴻儒班，一舉擢高第，供奉玉皇前。每出一篇奏，已被中外萬口傳。若非河滿張承吉，卽是洞蕭王子淵。鸚鵡苦羈縛，三載辭金殿。驥足稍欲施，四任宰江縣。江左形勝天下偉，古來名士此中半。臨江酬酒弔桓王，開國英雄同弱冠。三十未及強，拂衣賦歸歎。金陵有遺愛，遂僦金陵居。犀首不好飲，虞卿還著書。燕許兩禿翁，鞠躬斂手謝不如。更以其暇劇奇石，選妙妓，闢華軒，跌宕詞賦，闌咽管絃。遂使當代鉅公貴人下逮，傭僮併婦孺無不知。大江以南有隨園，喬也陋已極，未及身作隨園客。一官投嶺嶠，所見生猶語。嗚呼！或傳才翁名，謂是古人今莫得。忽驚將軍自天下，如郭令公出回紇。中丞爲子言子才詩中，霸子往試與語，庶免爲驅嚇。碧虛洞與棲霞山連，一見握手如舊歡。自言行年七十走萬里，相得無如吾子賢。朝遊共臨白雲麓，夕歸同泛明月船。岸人笑謔爭指似，采石江上看謫仙。我詩樣新多苦語，誰其好之茹不吐？才翁一呼四座驚，此至誠通愈及甫比疎。詎所當交，驚亦差樂。平明來取別，將往觀衡嶽。中路寄我詩，已據衡嶽之磅礴。噫嘻！戲才翁之才如天風，人籟雖工那得同。惟有隨園歎未到，要使姓名先著隨園中。

隨園詩贊

曠矣先生，倖今無徒，濟古少類。達如劉伯倫而不好飲，逸如稽叔夜而不好音樂，習靜如王摩詰而不好佛；恬退如賀季真而不好道，以名教是非自任，如韓退之而不好儒；志鄙王戎而不論好財，性異阮咸而不辭好色。詭奇傲儻，疑龍疑蛇，播之爲文，天籟地葩，或謂是太白之精所化，而爲文章之宗耶？或謂是歲星所寓，而爲滑稽之雄耶？吾莫能測之，而盡其形容也。

後學李憲喬題

小倉山房詩集總目

第一卷

古今體詩五十二首

第二卷

古今體詩五十四首

第三卷

古今體詩九十八首

第四卷

古今體詩八十四首

第五卷

古今體詩一百二首

第六卷

古今體詩七十二首

第七卷

古今體詩九十首

第八卷

古今體詩一百四十九首

第九卷

古今體詩七十二首

第十卷

古今體詩一百二十五首

第十一卷

古今體詩九十四首

第十二卷

古今體詩三十一首

第十三卷

古今體詩一百二首

第十四卷

古今體詩七十二首

第十五卷

古今體詩一百五十二首

第十六卷

古今體詩一百二首

第十七卷

古今體詩一百三十三首

第十八卷

古今體詩五十六首

第十九卷

古今體詩九十二首

第二十卷

古今體詩一百三十五首

第二十一卷

古今體詩七十首

第二十二卷

古今體詩六十一首

第二十三卷

古今體詩七十九首

第二十四卷

古今體詩一百二十首

第二十五卷

古今體詩一百九十首

第二十六卷

古今體詩二百七首

第二十七卷

古今體詩一百十八首

第二十八卷

古今體詩二百十九首

第二十九卷

古今體詩一百一首

第三十卷

古今體詩二百三十四首

第三十一卷

古今體詩一百三十七首

第三十二卷

古今體詩一百八十七首

第三十三卷

古今體詩一百首

第三十四卷

古今體詩一百三十二首

第三十五卷

古今體詩五十八首

第三十六卷

古今體詩二百二十五首

小倉山房詩集 卷一 丙辰丁巳

錢塘江懷古

江上錢王舊蹟多，我來重唱百年歌。
勸王妙選三千弩，不射江潮射汴河。

釣臺

夜泊釣臺旁，客星如月大。
想見嚴子陵，投竿在此坐。
朝隨漁翁嬉，暮陪至尊臥。
爲念故人重，轉覺天子輕。
偶展榻上足，乃驚天上星。

書子陵祠堂

士各有志在，投贈須良時。
乃欲臣老子，張眼發狂癡。
巢由効孤忠，唐堯何能知。
當時西漢衰，士氣一何卑。
四十二萬人，尊莽稱巍巍。
先生隱蘆中，惻然心腸悲。
故

人作天子，臣請爲伯夷。
甘與子同夢，伸脚踏紫微。
贈子以不拜，王丹叱微詞。
將軍有揖客，衛青賢可思。
何況赤伏符，可無王者師。
雲臺麟鳳旁，漁者張一旗。
果然東漢風，名節爭扶持。
相助爲理處，於後乃見之。
我留壁間墨，當贈先生詩。

羅昭諫墓

遠望羅江氣寂寥，江東遺塚草蕭蕭。
三生金榜無名字，一卷唐詩殿本朝。
照壁紅紗曾志寵，隔簾嬌女罷吹簫。
傷心枉進英雄計，花醉華堂淚未消。

臨安懷古

曾把江潮當敵攻，三千強弩水聲中。
霸才越國追勾踐，家法河西做寶融。
宰樹重重封錦繡，宮花緩緩送

春風。誰知苦創東周局。留與平王避犬戎。

吳桓王廟

擲戟神亭一笑分。英雄名號尚郎君。南來劍奪中原色。獵罷龍驚草上雲。白覺風流夸二堵。有誰旗鼓關三軍。千年願獻鐘歌曲。帳下還愁子布聞。

琵琶亭

孤亭月落九江秋。彈過琵琶水尚愁。今日蘆花笑詞客。不曾老大已飄流。

謝太傅祠

一笑翩然載酒行。東山女妓亦蒼生。能支江左偏安局。難遣中年以後情。花下殘棋兒破敵。燈前老淚客彈箏。荒祠隔葉黃鸝語。猶似當初絲竹聲。

夜渡彭蠡風浪大作

半夜顛風歎客過。奪取孤舟當箕箒。桅折羣驚大霧崩。燈昏不辨何輪破。騎虎由來勢莫停。駕鰲且向西南征。滿眼黃泉不見路。咄嗟但聞龍虵聲。青蘆颯颯潯而止。長老大呼吾生矣。拍拍羣鷗扶浪起。彼此相看面如紙。衣裳都付密妃洗。一身之外水而已。編詩不編前甲子。墮地重生從此始。

野行

野行逐流水。花裏得茅廬。中有龐眉叟。旁堆數卷書。衣冠非漢魏。妻子半樵漁。拱手詢名姓。無言指太虛。

看山

看山有所得。日暮聊爲詩。舟子多曳足。村歌以答之。江湖發天籟。秋光亦平分。我歌船頭月。爾歌船尾雲。

浯溪碑

夷吾雖歸辱社稷。射姑來朝無貶詞。從曰撫軍守

盟國，古來冢嗣良如斯。宋儒不明春秋義，題語溪碑多刺譏。當時明皇躍馬去，五更昏黑西川馳。非若靈武張位號，九州不見天皇旗。望賢宮前重返蹕，黃袍手著如嬰兒。一辭一畀見真性，此際慈孝天皆知。玉真公主具尊酒，上皇父老相娛嬉。駭奴攬轡慙妻惑，從此兩宮生猜疑。君子原情論大義，事有後累無前非。魯公忠孝立人極，金石腕力尤淋漓。先拜新君心抃舞，後望南內空淒其。書罷大唐中興一頌刻，山石再書請朝上皇一表鋪丹墀。

長沙謁賈誼祠

江口瞻遺廟，長沙最少年。才雖王者佐，運是漢家天。屈子堪同調，相如敢比肩。虛無宣室問，卑濕楚江遷。道大功臣忌，心孤鵬鳥憐。三湘知數盡，七國悟機先。飄泊傷靈化，積華委逝川。綠蘿蟻敗壁，飢鼠拱殘筵。神鬼真無狀，風雲合有緣。長懷夫子哲，轉憶孝文賢。遇合終如此，功名更惘然。我來剛弱冠，流涕返吳船。

巴陵道中

洞庭西去女郎祠，來慰行人有許眉。山縣城荒關店早，戍樓燈遠泊船遲。方言莫辨思重譯，異鳥無名愧學詩。難得篙工解人意，每開牕處對花枝。

旅懷

欲采芙蓉贈楚狂，幾番漁笛聽滄浪。洞庭霜淺橘全綠，湘浦雨深荷暗香。行色喜逢秋八月，家書孤負鴈千行。無端側耳隣船泊，有個人音似故鄉。

書倉頡廟

黃帝上天不識字，玉皇大笑人間俗。特遣倉公來造作，電光熒熒開四目。遠采龍魚篆，近取蝌蚪行。一畫生枝葉，六書加偏旁。可以記名姓，通九州。三才萬象相咨諏，天公賜粟萬萬石。厥功猶未酬，千鬼何事哭啾啾。上古無黎邱，疑是三王五帝之靈爽。相悲愁，倉公不知

故賤子請致詞。行公之道享公福。古今惟有尼山師。與公初意無相違。其餘竄經冒聖紛紛者。坑之不足蔽其辜。而乃辟睨兩廡。纖牲乎摩騰。借此來中華。侏儒梵謁盈百車。學仙誤仙書。白骨如撐麻。此外深文刀筆萬萬條。張湯趙禹日喧譁。官禮亡新室。血流誣武王。元凶講孝經。妖僧造明堂。輩侯強解事。皇義五十章。穿鎚大將軍。腕脫校書郎。蠹魚食盡三萬字。上天不如蜻蜒翔。腐儒識之無。公然搔首怨彼蒼。我自與公有瓜葛。亦復啜唔如蚊蟲。不能腰鑣田中騎。馬沙場三升墨水非瓊漿。他日餓死分所當。故鬼哭未已。新鬼淚沾裳。功過不相掩。請公自思量。公如肯補過。請公南面坐。周公右。孔公左。始皇在旁手把火。刪除六經實諸聖。黜陟百家來問我。朝不必多許。野不必多儒。披兔一毛利天下。欽明文思追唐虞。再拜奠椒酒。臣言是與否。倉公領之不開口。但見神鴉鬼馬雲中各點首。

萍鄉紀事

遠望碧桃盛。不知何家村。停舟寒衮往。頗聞書聲喧。柴門數學子。列坐何彬彬。聞有江南客。欣然喜動顏。各將文章來。願聞所未聞。爲之小講解。圍坐點頭頻。歸各具雞黍。手自擎瓦甌。父兄荷鋤歸。亦來覲佳賓。但勸客小住。不知天黃昏。我乃行役者。風中不定身。告以勢難留。紛然淚滿巾。攀衣送登船。姓名僉云云。後會知難期。前途君自珍。感茲醇樸意。如逢義軒民。方知古桃源。依然在人間。但恨無緣留。回頭空白雲。

同金十一沛恩遊棲霞寺望桂林諸山

奇山不入中原界。走入窮邊才逞怪。桂林天小青山大。山山都立青天外。我來六月遊棲霞。天風拂面吹霜花。一輪白日忽不見。高空都被芙蓉遮。山腰有洞五里許。乘火直入衝鳥鴉。怪石成形千百種。見人欲動爭齡筈。萬古不知風雨色。一羣仙鼠依爲家。出穴登高望衆山。茫茫雲海墜眼前。疑是盤古死後不肯化。頭目手

足骨節相鈎連；又疑女媧氏一日七十有二變，青紅隱現隨雲烟。蚩尤噴妖霧，尸羅袒右肩。猛士植竿髮，鬼母戲青蓮。我知混沌以前乾坤毀，水沙激盪風輪顛。山川人物錯在一爐內，精靈騰踔有萬千。彼此游戲相愛憐，忽然剛風一吹化爲石。清氣既散濁氣堅，至今欲活不得，欲去不能，只得奇形詭狀踈人間。不然造化縱有千手眼，亦難一一施雕鐫。而況唐突真宰豈無罪，何以耿耿羣飛欲刺天。金臺公子酌我酒，聽我狂言呼否否。更指奇峯印證之，出入白雲亂招手。幾陣南風吹落日，騎馬同歸醉兀兀。我本天涯萬里人，愁心忽挂西斜月。

薦鴻詞北上辭別桂林中丞

萬里投知己，千秋見偉人。掃門才授贊，倒屣已迎賓。弱冠終軍小，憐才鮑叔真。牛心先賜嘆，馬骨倍精神。一卷文章獻，千回諷誦頻。百僚參謁處，入座散衙辰。譽我如夸寶，稱詩似數珍。人聲齊諾諾，公口尚津津。詔舉通經士，慚非珥筆臣。毅然標姓氏，直自奏楓宸。計吏爭

供具，材官盡捧輪。辦裝錢絡繹，祖饯酒溫醇。石重驚難戴，風高草易春。未開花獨賞，久屈驪應伸。多感雲霞契，能增骨肉親。窮途來阮籍，有叔愛蘇秦。桂嶺三秋月，長安一路塵。拜辭先洒淚，圖報屢存身。夫子宮牆遠，男兒事業新。遙聞西域國，獨角貢麒麟。

別常甯

叔家青衣

六千里外一奴星，送我依依遠出城。知己那須分貴賤，窮途容易感心傾。灘江此後何年到，別淚臨歧爲汝傾。但聽郎君消息好，早持僮約赴神京。

黃鶴樓

萬里青天月，三更黃鶴樓。湘簾才手捲，漢水拍天流。山影如爭渡，漁歌半入秋。深宵無鐵笛，空自泊孤舟。

過洞庭

秋老一峯晴，巴船過洞庭。水搖天地白，山入混茫

青雲氣飛蓬背，霜花落鴈翎。今朝吟不得，廬外有龍聽。

題柳毅祠

風聲雨帶藕絲裙，素手傳箋寄暮雲。世上女兒多誤嫁，諸龍休惱洞庭君。

漢江遇風

風急蒲帆葉葉張，蘆花飛雪打瀟湘。似盛漢水湖猶小，欲上君山浪太狂。行役自來多涉險，少年何事便離鄉。黃昏漸喜驚濤定，遠遠漁歌唱夕陽。

途中見薦章感而有作

一紙封章薦福衡，秋風八月動行旌。三朝曠典儒林重，二十華年海內驚。粵嶺懷人丹桂影，瀟湘聽雨竹枝聲。疏中溢美吾尤愧，道有奇才應運生。

赤壁

一面東風百萬軍，當年此處定三分。漢家火德終燒賊，池上蛟龍竟得雲。江水自流秋渺渺，漁燈猶照荻紛紛。我來不共吹簫客，烏鵲寒聲靜夜聞。

峴山

浮生幾載青山酒，名士常爲萬古愁。雙淚偶揮羊太傅，一碑如補晉春秋。樓傳黃鶴仙何在，珮解明珠水自流。今日敬兒天下滿，襄陽片石若爲留。

銅雀臺

停車欲訪魏遺宮，銅雀荒涼片瓦空。生對河山常感慨，死猶歌舞是英雄。君王氣盡高臺酒，兒女春殘甲帳風。七十五來神恍惚，西陵可與茂陵同。殿上歸來履幾雙，三分天下更分香。一家樂府商聲老，八尺燈帷鄴水涼。疑家尙存兵法意，招魂只用美人妝。傳心曾許諸姬嫁，老去將軍話竟忘。

題張睢陽廟壁

乃上蛾眉喚奈何？將軍隣境尚笙歌。殘兵獨墜全淮水，壯士同揮落日戈。六射鬚眉渾不動，一城人肉已無多。而今雀鼠空啼竄，暮雨靈旗冷薜蘿。

大梁弔信陵君

魏王沉醉美人起，羅袖無聲符取矣。父仇已報國仇未，妾請將符授公子。翩翩公子玉手擎，深宮箭滿傳三更。侯生迎來指而笑，彼執權者須同行。晉鄙嚙暗未張口，撲殺此獠如屠狗。壁上高懸救趙旗，精兵八萬邯鄲走。坐中忽失白頭人，淋漓血作送行酒。更有布衣魯仲連，竭來大笑平原君。一聲帝秦便蹈海，海水欲立奔秦軍。秦軍退避五十里，咸陽虎狼心欲死。美人壯士兼清流，一齊來與秦爲仇。秦官縱有釣天樂，不如且歌秦女休。魏王醉眼終朦朧，至死不愛將軍功。醇酒婦人卽東海，甘心一蹈真英雄。吁嗟乎君不見高皇赤龍只解

罵，騎馬墳前悚然下。又不見張耳滅秦封王壁，赫原
是郎君門下客。

牛口谷

一旅中原振鼓聲，夏王仁義偃王齊。空爭孤注黃河北，不解連環太華西。牛口谷深天意在，虎牢關失陣雲低。英雄回首書生計，夜夜青山杜宇啼。

博浪城

真人采藥走蓬萊，博浪沙連望海臺。九鼎尚沉三戶起，六王纔舉一椎來。黃金宮闕神仙遠，白壁光陰山鬼催。此日西風如力士，當軍還擊布韓開。

澶淵

路出澶河水最清，當年照影見親征。滿朝白面三遷議，一角黃旗萬歲聲。金幣無多民已困，燕雲不取禍終生。行人立馬秋風裏，懊惱屏王早罷兵。

過鄴下弔高神武

唱罷陰山勅勒歌，英雄涕淚老來多。生持魏武朝天笏，死授條侯殺賊戈。六鎮華夷傳露布，九龍風雨聚漳河。祇今尚有清流月，曾照高王萬馬過。

白馬驛

清風不斷霧不生，清流不斷國不傾。千年古驛黃河邊，鬼過猶作鳴珂聲。當時嘲賊朝門寫，三千詩人骨一把。已聞裴甫惱青蟲，更見朱三來白馬。迂哉裴十四，舢舨於門第。三百年唐交與誰，猶說太常卿不置。崔裴物望冠中朝，甘爲官家受一刀。半夜臨臬啄孤鳳，彗星三丈風蕭蕭。君不見太原樓下美人啼，一片凝脂刀上飛。時來阿父監軍寵，運去傾城名士悲。又不見墜笏司空圖，請兵羅昭諫。從古詩人報國心，不曾一識君王面。

銅駝街

洛陽銅駝昂首坐，愁容似見晉宮破。晉宮天子美少年，敦詩說禮人稱賢。一局殘棋難著手，宮寢紛紛胡騎走。柘弓銀研舊交情，猶著青衣喚行酒。恨房窈窕劉貴嬪，往來兩受君王恩。軺道早知誅諸子，劍門悔不作公孫。人將隱隱尤司馬，我道善淫報者寡。吳蜀降王富貴終，此例分明天不假。君不見商臣盜跖終天年，冒頓當時且配天。

北魏帝移宮處

佛狸子孫十連終，魚羊食人來九龍。抱獅帝子顏如玉，垂衣班朔明光宮。臣澄獻酒陛下聖，忽然三拳狗脚股。此人又似不相容，請別六宮無所恨。握麈親辭白玉床，美人泣下空斷腸。三千花枝帶紅雨，一齊灑向黃衣裳。中有窈窕李賢妃，掩泣請歌曹王詩。願王加餐保玉體，願王永享黃髮期。明知此別難相見，長歌且作須臾戀。新朝司馬在旁催，不送君王出寢殿。碧海青天白日斜，生生世世帝王家。剛送故君低忍淚，便迎新主強

簪花。吁嗟乎！如虎如龍未十年，又見鬻頭乞小憐。

景泰陵

雨帝當年一曲闌，西山藁葬草漫漫。日夷守國才何大？叔武迎君事本難。金鎖門高星象動，玉連環小淚珠乾。阿兄南內如嫌冷，五國城中雪更寒。

易水懷古

燕丹買匕首，欲攔秦王腰。仁義非不佳，急則治其標。一時田光輩，輕死如鴻毛。荆卿慷慨行，祖餞風蕭蕭。長虹貫白日，虎狼氣不驕。可惜咸陽宮，殺人先露刀。股血空淋漓，祖龍竟脫逃。魂歸易水旁，化作陰風號。至今白衣冠，慘慘時一遭。時來藥囊重，運去阿房焦。歎息諸英雄，不如一趙高。

同一百九十三人試博學鴻詞於保和殿下時班中無弱冠者諸王公

都來疑年口號以對

欄衫青入九重天，岳牧科慚員半千。末坐竟陪燒尾宴，遲來猶領大官錢。書完黃紙三千牘，身到紅塵二十年。家是南朝舊臨汝，敢將才語向人傳。

游仙曲

子晉嘖鸞太少年，吹笙未敢望神仙。爲看鷄犬飛昇後，轉把芙蓉笑向天。同著青裙拜木公，鈞天酒散駕飛龍。黃金梯滑行難上，重渡銀河水一重。一雙珠履躡飛霞，三變元雲日未斜。聽說天門傳玉旨，春寒留住早開花。

駿馬行

房星下天馬出世，萬怪藏形虎豹避。爲負河圖獻聖人，呼風遠自流沙至。駒齒未落才先老，四嶽三塗馳遠道。顧影常空冀北羣，圖形只覺金門好。孫陽一見驚

權奇貢之天閑夸駿驥。黃金議買價難定，白眼相看駭者誰？
躑躅長安猶未去，青天月照麒麟步。兩耳難禁盡角鳴，一餐苦記施恩處。
天子文明駕六龍，不愁神駿不遭逢。只愁噴玉瑤池返，仍化龍形入海中。

哭侍御王星望先生

憐才剩有幾人存，又送靈旗出郭門。八十慈親扶白骨，一羣稚子哭黃昏。
官窮不信能添病，身賤從來易感恩。忍向襄陽見華屋，山河回首亦消魂。

送張鷟洲御史巡臺灣

戒外荷蘭國，開疆自本朝。四圍城是海，終日耳聞潮。
彈壓須聽馬，威稜借皂雕。諫書留玉陛，飛蓋出虹橋。鼓角龍聽避，妖星劍照消。
甲光秋萬里，刀影雪千條。古跡無唐漢，奇功有管蕭。風和知浪靜，弦緩使弓調。
筆洗扶桑月，花低螺女簫。裝寧資陸賈，人自愛班超。虎節三關重，瓜期兩載遙。
安邊應努力，莫負侍中貂。

荆卿里

水邊歌罷酒千行，生戴吾頭入虎狼。力盡自堪酬太子，魂歸何忍見田光。
英雄祖餞當年淚，過客衣冠此日霜。匕首無靈公莫恨，亂山終古刺咸陽。

黃金臺

東海決決大風猛，燕王積怨何時邊？築臺願招英雄人，黃金之高與天等。
臺未築時如無人，臺既築時人紛紛。不知公等竟安在，劇辛樂毅來成羣。
殘兵一隊山東走，頃刻齊亡如反手。問問當年豪舉心，果然值得黃金否？
於今蔓草縈臺綠，千年壯士尋臺哭。爲道昭王今便存，不報仇時臺不築。

舉京兆

信當喜極翻愁誤，物到難求得尙疑。一日姓名京兆舉，十年涕淚桂花知。
泥金挂壁春來早，賀客遮門月

去遲。想見故園燈火夕，老親望眼正穿時。

呈座主鄧遜齋先生

忝列長名榜，恰逢鄧仲華。寧王私謁少，陸氏一莊
夸。海闊魚燒尾，天高月鑒花。龍駒雖泛駕，今日出公來。

怕聽

采芹時節我垂髫，五暴龍門尾後焦。怕聽旁人夸
早貴，已輸十八賈登朝。

船上臥月作

無心推篷看，不意與月見。欣然臥以觀，清光懸一
片。白雲如覆被，人面漸貼鏡。相對久忘言，吾亦見吾性。

小倉山房詩集 卷二 己未至辛酉

釋褐

學著宮袍體未安，藍衫轉覺脫時難。呼僮好向空箱疊，留作他年故舊看。

臚唱

一聲臚唱九天聞，最是三珠樹出羣。我愧牧之名第五，也隨太史看祥雲。宴能瓊林有所思，曲江風裏立多時。杏花一色春如海，他日凌霄那幾枝。

瓊林曲

三月長安桃李春，一條軟繡天街新。漢朝覆試端門日，唐代題名鴈塔辰。官柳慣迎新貴馬，杏花偏拂少年人。幾隊霓裳行簇簇，瓊林苑裏春波綠。未耀頭銜七

尺光已辭墨水三升辱。舊僕重談上學時，新知各寫同年錄。此時意氣似雷顛，此際連鑣渺列仙。雕鸞翠娥雀象載，牙牌金字李琪鵠。明知過眼原如夢，爭奈當場欲上天。天家待士有恩光，高唱三雍賜六漿。湯餅紅綾色奪月，御廚瓊粒影浮霜。鳥和仙樂碧簾曉，露滴玉鉤天酒香。不到月宮遊，那識嫦娥好不奪錦標歸，誰信驪龍巧寄語燈窗。苦志人人生此處來宜早，歸時兩鬢不簪花。簾幙低遮油壁車，糟糠未妥恰曾聘，莫誤朝官選塔家。

入翰林

弱水蓬山路幾重，今朝身到蕊珠宮。尚無祕省書教讀，已見名箋字不同。班管潤生紅藥雨，錦袍香散玉堂風。國恩豈是文章報，況復文章尚未工。